

第七二九冊

經濟彙編

禮儀典

冠服部

冠冕部

(卷)

三三—三三

三三—三三

古今圖書集成

中華書局影印

卷之二十六

附錄

目錄

一

二

古今圖書集成

中華書局影印

欽定古今圖書集成經濟彙編禮儀典

第三百二十一卷目錄

冠服部彙考五

唐一 高祖武德一則 太宗貞觀四則 高宗
元一則 永徽一則 顯慶一則 龍朔一則 上
三則 景龍二則 唐 宗廟聖二則 神龍
元七則 天寶一則

禮儀典第三百二十一卷

冠服部彙考五

唐一

高祖武德四年始著衣服之令

按唐書高祖本紀不載 按車服志唐初受命車服
皆因隋舊武德四年始著衣服之令上得兼下下不
得擬上凡天子之服十四大裘冕者祀天地之服也
廣八寸長一尺二寸以版爲之黑表纁裏無旒金飾
玉簪導組帶爲纁色如其綬莊纁充耳大裘繪表黑
羔裘爲綠纁裏黑領襟緣朱裳白紗中單皂領青
襪襪朱鞵赤舄鹿盧玉具劍火珠鐔首白玉雙佩
黑組大雙纁黑質黑黃赤白纁緣爲純以備天地四
方之色廣一尺長二丈四尺五百首紛廣二寸四分
長六尺四寸色如綬又有小雙纁長二尺六寸色如
大纁而首半之間施三玉環革帶以白皮爲之以屬
佩綬印章盤囊亦曰革帶博三寸半加金鏤玉鈎鐔
大帶以素爲之以朱爲裏在腰及垂皆有綽上以朱
錦貴正色也下以綠錦賤間色也博四寸紐約貴賤

皆用青組博三寸纁以繪爲之隨裳色上廣一尺以
象天數下廣二尺以象地數長三尺朱質畫龍火山
三章以象三才其頸五寸兩角有肩廣二寸以屬革
帶朝服謂之褙冕服謂之蔽衾冕者踐祚饗廟征還
遣將飲至加元服納后元日受朝賀臨軒開拜王公
之服也廣一尺二寸長二尺四寸金飾玉簪導垂白
珠十二旒朱絲組帶爲纁色如綬深青衣纁裳十二
章日月星辰山龍華蟲火宗彝八章在衣藻粉米黼
黻四章在裳衣畫裳纁以象天地之色也白山龍以
下每章一行爲等每行十二衣襟領畫以升龍白紗
中單黻領青襪襪襪龍山火三章鳥加金飾驚
冕者有事遠主之服也八旒七章華蟲火宗彝三章
在衣藻粉米黼黻四章在裳纁冕者祭海嶽之服也
七旒五章宗彝藻粉米在衣黼黻在裳纁冕者祭社
稷饗先農之服也六旒三章絺粉米在衣黼黻在裳
元冕者蜡祭百神朝日夕月之服也五旒裳刺黼一
章自衮冕以下其制一也簪導劍佩綬皆同通天冠
者冬至受朝賀祭還燕羣臣養老之服也二十四梁
附蟬十二首施珠翠金博山黑介幘組纁翠綵玉犀
簪導絳紗袍朱裏紅羅裳白紗中單朱領襪襪白
裙襪絳紗蔽膝白羅方心曲領白鞵黑舄白假帶其
制垂二條帛以變祭服之大帶天子未加元服以空
頂黑介幘雙童髻雙玉導加實飾三品以上亦加實
飾五品以上雙玉導金飾六品以下無飾緇布冠者
始冠之服也天子五梁三品以上三梁五品以上二
梁九品以上一梁武弁者講武出征蒐狩大射禘類
宜社賞祖罰社纂嚴之服也有金附蟬平巾幘弁服

者朔日受朝之服也以鹿皮爲之有褥以持髮十有
二璫玉簪導絳紗衣素裳白玉雙佩革帶之後有盤
囊以盛小雙纁白鞵烏皮履黑介幘者拜陵之服也
無飾白紗單衣白裙襪革帶素鞵烏皮履白紗帽者
視朝聽訟宴見賓客之服也以烏紗爲之白裙襪白
鞵烏皮履平巾幘者乘馬之服也金飾玉簪導冠支
以玉紫綳白袴玉具裝珠寶鈿帶有韉白哈者臨喪
之服也白紗單衣烏皮履 皇后之服三褙衣者受
冊助祭朝會大事之服也深青織成爲之畫章赤質
五色十二等素紗中單黼領朱羅縠襪蔽膝隨裳
色以緇領爲緣用翟爲章三等青衣革帶大帶隨衣
色裨紐約佩綬如天子青鞵烏加金飾鞠衣者親蠶
之服也黃羅爲之不畫蔽膝大帶革帶烏隨衣色餘
同褙衣鈿釵翟衣者燕見賓客之服也十二鈿服用
雜色而不畫加雙佩小綬去烏加履首飾大小華十
二樹以象袞冕之旒又有兩博鬢 皇太子之服六
袞冕者從祀謁廟加元服納妃之服也白珠九旒紅
絲組爲纁犀簪導青纁充耳黑衣纁裳凡九章山龍
華蟲火宗彝在衣藻粉米黼黻在裳白紗中單黼領
青襪襪裙革帶金鈎鐔大帶璫玉雙佩朱組雙大纁
朱質赤白纁紺爲純長一丈八尺廣九寸三百二十
首微隨裳色有火山二章白鞵赤舄朱履加金塗銀
鈿飾鹿盧玉具劍如天子遠遊冠者謁廟還宮元日
朔日入朝釋奠之服也以具服遠遊冠三梁加金博
山附蟬九首施珠翠黑介幘髮纁翠綵犀簪導絳紗
袍紅裳白紗中單黑領襪襪白裙襪白假帶方心
曲領絳紗蔽膝白鞵黑舄朔日入朝通服袴褶公服

者五日常朝元日冬至受朝之服也遠遊冠絳紗單衣白裙襦草帶金鉤簾假帶瑜玉隻佩方心紛金鏤簪囊紛長六尺四寸廣二寸四分色如大綬烏紗帽者視事及燕見賓客之服也白裙襦烏皮履升服者朔望視事之服也鹿皮爲之犀簪導組纁九璫絳紗衣素裳革帶盤囊小綬雙佩自具服以下皆白韞烏皮履平巾幘者乘馬之服也金飾犀簪導紫裙白袴起梁珠寶鈿帶韞進德冠者亦乘馬之服也九璫加金飾有袴褶常服則有白裙襦 皇太子妃之服有三綸翟者受冊助祭朝會大事之服也青織成文爲搖翟青質五色九等素紗中單繡領朱羅數襪襪蔽膝隨裳色用緞爲領緣以翟爲章二等青衣革帶大帶隨衣色不朱裏青韞烏加金飾佩綬如皇太子鞠衣者從蠶之服也以黃羅爲之制如綸翟無雉蔽膝大帶隨衣色鈿釵翟衣者燕見賓客之服也九鈿其服用雜色制如鞠衣加雙佩小綬去烏加履首飾花九樹有兩博賢 羣臣之服二十有一袞冕者一品之服也九旒青璫爲珠貫三采玉以組爲纓色如其綬青纁充耳寶飾角簪導青衣纁裳九章龍山華蟲火宗彝在衣藻粉米黼黻在裳皆絳爲繡遍衣白紗中單繡領青標襪裾朱韞赤烏革帶鈿釵大帶黼黻裳色金寶玉飾劍鏢首山元玉佩綠綬綬綠質綠紫黃赤爲純長一丈八尺廣九寸二百四十首郊祀太尉攝事亦服之驚冕者一品之服也八旒青衣纁裳七章華蟲火宗彝在衣藻粉米黼黻在裳銀裝劍佩水蒼玉紫綬紫質紫黃赤爲純長一丈六尺廣八寸一百八十首革帶之後有金鏤盤囊金飾劍水蒼玉

佩朱韞赤烏裘冕者三品之服也七旒寶飾角簪導五章宗彝藻粉米在衣黼黻在裳鞞二章山火紫綬如二品金銀鏤盤囊金飾劍水蒼玉佩朱韞赤烏絳冕者四品之服也六旒三章粉米在衣黼黻在裳中單青領鞞山一章銀鏤盤囊自三品以下皆青綬青質青白紅爲純長一丈四尺廣七寸一百四十首金飾劍水蒼玉佩朱韞赤烏元冕者五品之服也以羅爲之五旒衣鞞無章刺黻一章角簪導青衣纁裳其服用細大帶及褕外黑內黃黑綬紺質青紺爲純長一丈二尺廣六寸一百二十首象笏上圓下方六品以竹木上挫下方金飾劍水蒼玉佩朱韞赤烏三品以下私祭皆服之平冕者郊廟武舞郎之服也黑衣絳裳革帶烏皮履爵弁者六品以下九品以上從祀之服也以紬爲之無旒黑纓角簪導青衣纁裳白紗中單青領標襪裾革帶鈿釵大帶及褕內外皆繡爵弁白韞赤履五品以上私祭皆服之武弁者武官朝參殿庭武舞郎堂下鼓人鼓吹按工之服也有平巾幘武舞絳絲布大褕白練襪襪起梁帶豹文大口袴烏皮韞鼓人朱韞衣革帶烏皮履鼓吹按工加白練襪襪升服者文官九品公事之服也以鹿皮爲之通用烏紗牙簪導纓一品九璫二品八璫三品七璫四品六璫五品五璫犀簪導皆朱衣素裳革帶盤囊小綬雙佩白韞烏皮履六品以下去璫及盤囊綬佩六品七品綠衣八品九品青衣進賢冠者文武朝參三老五更之服也黑介幘青綬紛長六尺四寸廣四寸色如其綬三品以上三梁五品以上兩梁九品以上及國官一梁六品以下私祭皆服之侍中中

書令左右散騎常侍有黃金璫附蟬貂尾侍左者左珥侍右者右珥諸州大中正一梁絳紗公服殿庭文舞郎黃紗袍黑領襪白練襪襪白布大口袴革帶烏皮履遠遊冠者親王之服也黑介幘三梁青綬金鉤盤大帶金寶飾劍玉鏢首纁朱綬朱質赤黃纁紺爲純長一丈八尺廣九寸二百四十首黃金璫附蟬諸王則否法冠者御史大夫中丞御史之服也一名獬廌冠高山冠者內侍省內謁者親王司閤謁者之服也委貌冠者郊廟文舞郎之服也有黑絲布大褕白練領襪絳布大口袴革帶烏皮履却非冠者亭長門僕之服也平巾幘者武官衛官公事之服也金飾五品以上兼用玉大口袴烏皮韞白練襪襪起梁帶陪大仗有襜褕襪朝集從事州縣佐史獄漬祝史外州品子庶民任掌事者服之有緋褶大口袴紫附襪文武官騎馬服之則去襜褕襪襪袴褶之制五品以上細綾及羅爲之六品以下小綾爲之三品以上紫五品以上緋七品以上綠九品以上碧襪襪之制一當胛一當背短襪覆膊襪之制以錦爲表長八尺中實以綿象蛇形起梁帶之制三品以上玉梁寶鈿五品以上金梁寶鈿六品以下金飾隱起而已黑介幘者國官視品府佐謁府國子太學四門生俊士參見之服也簪導白紗單衣青襟襪領革帶烏皮履未冠者冠則空頂黑介幘雙童髻去革帶書算律學生州縣學生朝參則服烏紗帽白裙襦青領未冠者童子髻介幘者流外官行署三品以下登歌工人之服也絳公服以緋爲之制如絳紗單衣方心曲領革帶鈿盤假帶韞烏皮履九品以上則絳襪衣制如絳

公服而狹衷形直如襦不垂裙大口袴紫附襦去方心曲領假帶登歌工人朱連裳革帶烏皮履殿庭加白練襪襦平巾練幘者尚食局主膳典膳局典食大官署食官署供膳奉解之服也青絲布袴褶羊車小史五辨髻紫碧腰褱青耳屬漏刻生漏重鵝角髻皆青絲布袴褶具服者五品以上陪祭朝饗拜表大事之服也亦曰朝服冠幘簪導絳紗單衣白紗中單黑領裏黑褱襪白裙襦革帶金鈎鐶假帶曲領方心絳紗蔽膝白鞵烏皮烏劍紛鞶囊雙佩雙綬六品以下去劍佩綬七品以上以白筆代簪八品九品去白筆白紗中單以履代舄從省服者五品以上公事朔望朝謁見東宮之服也亦曰公服冠幘簪導絳紗單衣白裙襦革帶鈎鐶假帶方心鞵履紛鞶囊雙佩烏皮履六品以下去紛鞶囊雙佩三品以上有公爵者嫡子之婚假緋冕五品以上子孫九品以上子爵升庶人婚假絳公服 命婦之服六翟衣者內命婦受冊從翟朝會外命婦嫁及受冊從翟大朝會之服也青質繡翟編次於衣及裳重爲九等青紗中單繡領朱縠襖襪蔽膝隨裳色以緞爲領緣加文繡重雉爲章二等大帶隨衣色以青衣革帶青鞵烏佩綬兩博髻飾以寶鈿一品翟九等花釵九樹二品翟八等花釵八樹三品翟七等花釵七樹四品翟六等花釵六樹五品翟五等花釵五樹寶鈿視花樹之數鈿釵禮衣者內命婦常參外命婦朝參辭見禮會之服也制同翟衣加雙佩小綬去烏加履一品九釵二品八釵三品七釵四品六釵五品五釵禮衣者六尚寶林御女采女女官七品以上大事之服也通用雜

色制如鈿釵禮衣唯無首飾佩綬公服者常供奉之服也去中單蔽膝大帶九品以上大事常供奉亦如之半袖裙襦者東宮女史常供奉之服也公主王妃佩綬同諸王花釵禮衣者親王納妃所給之服也大裘連裳者六品以下妻九品以上女嫁服也青質素紗中單蔽膝大帶革帶鞵履同裳色花釵覆拜兩博髻以金銀雜寶飾之庶人女嫁有花釵以金銀琉璃塗飾之連裳青質青衣革帶鞵履同裳色婦人燕服視夫百官女嫁廟見攝母服五品以上降降妻一等妾降降妻一等六品以下妾降降妻一等 初隋文帝聽朝之服以精黃文綾袍烏紗帽折上巾六合轉輿貴臣通服唯天子之帶有十三釵文官又有平頭小樣中百官常服同於庶人至唐高祖以精黃袍巾帶爲常服腰帶者指垂頭於下名曰鉅尾取順下之義一品二品鈿以金六品以上以犀九品以上以銀庶人以鐵既而天子袍衫稍用赤黃遂禁臣民服親王及三品二王後服大科綾羅色用紫飾以玉五品以上服小科綾羅色用朱飾以金六品以上服絲布交袂雙綉綾色用黃六品七品服用綠飾以銀八品九品服用青飾以鎗石動官之服隨其品而加佩刀礪粉悅流外官庶人部曲奴婢婢則服細絹施布色用黃白飾以鐵鈿

王令典貴賤有節禮經彝訓自末代澆浮承章訛雜卿士無高卑之序兆庶行僭侈之儀遂使金玉珠璣靡隔於工賈錦繡綺縠下通於卑隸習俗爲常流遁亡反因循已久莫能懲革朕繼踵百王欽承寶運思弘典制垂範後昆未鑒前失義存釐改其冠冕制度已備令文至於尋常服飾未爲差等今已詳定具如別式宜卽頒下咸使聞知於是三品以上服紫四品以下服緋六品七品以綠八品九品以青婦人從其夫色

貞觀五年改定七品以下服色

按唐書太宗本紀不載 按車服志太宗時命七品服龜甲雙巨十花綾色用綠九品服絲布雜綾色用青是時士人以棠華欄衫爲上服貴女工之始也一命以黃再命以黑三命以纁四命以綠五命以紫士服短褐庶人以白中書令馬周上議禮無服衫之文三代之制有深衣請加欄袖襪襪爲士人上服開袴者名曰缺袴衫庶人服之又請裏頭者左右各三襪以象三才重繫兩脚以象二儀詔皆從之太尉長孫無忌又議服袍者下加欄緋紫綠皆視其品庶人以白 按通典貞觀五年

貞觀八年制翼善進德冠

按唐書太宗本紀不載 按車服志太宗常以幘頭起於後周便武事者也方天下偃兵採古制爲翼善冠自服之又製進德冠以賜貴臣玉璫制如弁服以金飾梁花跌三品以上加金絡五品以上附山雲自是元日冬至朔望視朝服翼善冠衣白練裙襦裳服則有袴褶與平巾幘通用翼善冠進德冠制如幘頭

皇太子乘馬則服進德冠九璫加金飾犀簪導亦有袴褶燕服用紫其朔望視朝仍用弁服

按舊唐書太宗本紀貞觀八年五月丁丑上初服翼善冠貴臣服進德冠

按王海貞觀八年五月七日太宗初服翼善冠賜貴臣進德冠因謂侍臣曰幘頭起於周武帝蓋取便軍容耳今四海無虞當偃武事此冠頗采古法兼類幘頭乃互常服

貞觀二十二年令百寮服袴褶以朝

按唐書太宗本紀不載 按唐會要貞觀二十二年十月八日令百寮朔望日服袴褶以朝

高宗永徽二年給京官四品五品隨身魚袋

按唐書高宗本紀不載 按車服志高宗給五品以上隨身銀魚袋以防召命之詐出內必合之三品以上金飾袋

按舊唐書高宗本紀永徽二年五月壬辰開府儀同三司及京官文武職事四品五品並給隨身魚

顯慶元年改定袞冕及羣臣服色

按唐書高宗本紀不載 按車服志顯慶元年長孫無忌等曰武德初撰衣服令天子祀天地服大裘冕

按周郊被袞以象天戴冕藻十有二旒與大裘異月令孟冬天子始裘以禦寒若啓蟄祈穀冬至報天服裘可也季夏迎氣龍見而寧如之何可服故歷代唯服袞章漢明帝始采周官禮記制祀天地之服天子備十二章後魏周隋皆如之伏請郊祀天地服袞冕

罷大裘又新禮皇帝祭社稷服綈冕四旒三章祭日月服元冕三旒衣無章按令文四品五品之服也三

公亞獻皆服袞孤卿服毳驚是天子同於大夫君少臣多非禮之中且天子十二爲節以法天鳥有四旒三章之服若諸臣助祭冕與王同是貴賤無分也若降王一等則王服元冕羣臣服弁旒既屈天子又貶公卿周禮此文久不用矣猶祭祀之有尸侑以君親而拜臣子若族姻氏之職不通行者蓋多故漢魏承用袞冕今新禮親祭日月服五品之服請循歷代故事諸祭皆用袞冕制曰可無忌等又曰禮皇帝爲諸臣及五服親舉袞素服今服白紵禮令乖舛且白紵出近代不可用乃改以素服自是驚冕以下天子不復用而白紵廢矣

龍朔二年定八品九品著碧之制

按唐書高宗本紀不載 按舊唐書高宗本紀龍朔二年九月司禮少常伯孫茂道奏稱八品九品舊令著青亂紫非卑品所服望令著碧詔從之

按杜佑通典龍朔二年九月孫茂道奏准舊令八品九品著青亂紫非卑品所服望請著碧朝參之處並依此服非朝參處聽兼服黃從之前令九品以上朝參及視事聽服黃以洛陽縣尉柳誕服黃夜行爲部人所毆高宗聞之以章服錯亂故此詔申明之朝參行列一切不得著黃

上元元年定文武官服色

按唐書高宗本紀不載 按車服志高宗以紫爲三品之服金玉帶銙十二緋爲四品之服金帶銙十一淺緋爲五品之服金帶銙十深綠爲六品之服淺綠爲七品之服皆銀帶銙九深青爲八品之服淺青爲九品之服皆鍤石帶銙八黃爲流外官及庶人之服

銅鐵帶銙七

按舊唐書高宗本紀上元元年勅文武官三品已上服紫金玉帶四品深緋五品淺緋並金帶六品深綠七品淺綠並銀帶八品深青九品淺青鍤石帶庶人服黃銅鐵帶一品已下文官並帶手巾算袋刀子礪石武官欲帶亦聽之

儀鳳二年詔議冕服之制

按唐書高宗本紀不載 按杜佑通典龍朔二年九月司禮少常伯孫茂道奏稱准令諸臣九章服君臣冕服章數雖殊飾龍名袞尊卑相亂今請諸臣九章衣以雲及麟代龍昇山爲上仍改袞名當時紛議不定至儀鳳二年十一月太常博士蘇知機上言曰去龍朔中孫茂道奏請諸臣九章服當時竟未施行今請制大明冕十二章乘輿服之加日月星辰龍虎山火麟鳳元龜雲水等象驚冕八章三公服之毳冕六章三品服之繡冕四章五品服之詔下有司詳議崇文館學士楊炯奏曰謹按虞書予欲觀古人之象日月星辰山龍華蟲作繪宗彝藻火粉米黼黻絺繡由此言之則其所從來尚矣逮及有周乃以日月星辰爲旌旗之飾又登龍於山登火於宗彝於是制袞冕以祀先王也九章者法陽數也以龍爲首章袞者卷也龍德神異應變潛見表聖王深沈遠智卷舒神化也又制驚冕以祭先公也驚者雉也有耿介之志表公有賢才能守耿介之節也夫以周公之多才也故化定制禮功成作樂夫以孔宣之將聖也故行夏之時服周之冕先王之法服乃此之自出也天下之能事又於是乎畢矣今蘇知機請制大明冕十二章乘

銅鐵帶銙七

與服之者謹按日月星辰已施於旌旗矣龍虎山火

者又不踰於古矣而云麟鳳有四靈之名元龜有負

圖之應雲有紀官之號水有盛德之祥此蓋別表休

徵終是無踰比象然則皇王受命天地與符仰觀則

璧合珠連俯察則銀黃玉紫此固不可畢陳於法服

也若夫禮唯從俗則命為制令為詔乃秦皇之故事

猶可以適於今矣若夫義取隨時則出稱警入稱蹕

乃漢國之舊儀猶可以行於代矣亦何取於變周公

之軌物改尼父之法度者哉由是竟寢知機所請

中宗嗣聖元年即武后光宅元年易內外官服青者以碧

按唐書武后本紀光宅元年九月甲寅大赦改元旗

幟尚白外官服青者以碧

嗣聖三年即武后垂拱二年始令都督刺史帶魚

按唐書武后本紀不載 按車服志垂拱中都督刺

史始賜魚

按舊唐書武后本紀垂拱二年春正月初令都督刺

史並准京官帶魚

嗣聖八年即武后天授二年改佩魚為龜賜都督刺史繡袍

始許借紫

按唐書武后本紀不載 按車服志天授二年改佩

魚皆為龜

按唐會要天授二年正月二十二日內出繡袍賜新

除都督刺史其袍繡山形繞山勒回文銘曰德政惟

明職令思平清慎忠勤榮進躬親

按杜佑通典天授二年八月左羽林大將軍建昌王

攸寧借紫衫金帶九月二十六日除納言依舊著紫

帶金龜借紫自此始

嗣聖十一年即武后長安元年始賜羣臣巾子繡袍

按唐書武后本紀不載 按車服志武后擅政多賜

羣臣巾子繡袍勒以回文之銘皆無法度不足紀

按文獻通考武后延載元年五月內出繡袍以賜文

武三品以上官其袍文仍各有訓誠諸王飾以盤石

及鹿宰相飾以鳳池尚書飾以對鴈左右衛將軍飾

以對麒麟左右武衛飾以對武左右鷹揚衛飾以對

鷹左右千牛衛飾以對牛左右豹韜衛飾以對豹左

右玉鈴衛飾以對鵠左右監門衛飾以對獅子左右

金吾衛飾以對豸又銘其襟帶各為八字廻文其詞

曰忠正真直崇慶榮職文昌翊政勤彰防慶懿順彰

彰義忠慎光廉正躬奉謙誠忠勇

嗣聖十七年即武后久視元年定飾龜袋有別

按唐書武后本紀不載 按車服志武后時三品以

上龜袋飾以金四品以銀五品以銅按玉海作

神龍元年定服色如舊制

按唐書中宗本紀不載 按舊唐書中宗本紀神龍

元年二月甲寅旗幟服色並依末淳以前故事

神龍二年制京官五品以上依舊佩銀魚停六品以

下著緋

按唐書中宗本紀不載 按開府元龜神龍二年八

月制京官五品以上依舊式佩銀魚袋

按玉海神龍二年九月戊辰停京官六品以下著緋

袴褶各依本品

神龍 年賜百官英王踰樣巾

按唐書中宗本紀不載 按車服志中宗賜百官英

王踰樣巾其製高而踰帝在藩時冠也其後文官以

紫黑純為巾賜供奉官及諸司長官則有羅巾圓頭

巾子後遂不改

景龍二年始令乘馬者省衣冠

按唐書中宗本紀不載 按車服志皇太子將釋奠

有司草儀注從臣皆乘馬著衣冠左庶子劉子元議

曰古大夫乘車以馬為駢服魏晉朝士駕牛車如李

廣北征解鞍憩息馬援南伐據鞍顧盼則鞍馬行於

軍旅戎服所便江左尚書郎乘馬則御史治之顏延

年罷官騎馬出入世稱放誕近古專車則衣朝服單

馬則衣裘服皇家巡謁陵廟開命王公則盛服冠履

乘路車士庶有以衣冠親迎者亦時服箱其餘貴賤

皆以騎代車比者法駕所幸侍臣朝服乘馬今既舍

車而冠履不易何者裏衣博帶華履高冠車中之服

也轆而銙既而乘非唯整古亦自取驚蹶議者以祕

閣梁南郊圖有衣冠乘馬者此圖後人所為也古今

圖畫多矣如畫羣公祖二疎而有曳芒屨者畫昭君

入匈奴而婦人有施帷冒者夫芒屨出於水鄉非京

華所為帷冒創於隋代非漢官所用豈可因二畫以

為故實乎謂衣冠乘馬宜省太子從之編於令按杜

典作景

景龍三年命特進及散官俱佩魚

按唐書中宗本紀不載 按車服志中宗初罷龜袋

復給以魚郡王嗣王亦佩金魚袋景龍中命特進佩

魚散官佩魚自此始也然員外試檢校官猶不佩魚

睿宗景雲二年詔魚袋飾以金銀為別

按唐書睿宗本紀不載 按車服志景雲中詔衣紫

者魚袋以金飾之衣緋者以銀飾之

按舊唐書睿宗本紀景雲二年夏四月詔內外官依上元元年九品以上文武官咸帶手中算袋武官咸帶七事靴鞬並足其腰帶一品至五品並用金六品七品並用銀八品九品並用鍤石魚袋著紫者金袋著緋者銀袋

景雲 年令職事官罷佩刀礪

按唐書睿宗本紀不載 按車服志初職事官三品以上賜金裝刀礪石一品以下則有手中算袋佩刀礪石至睿宗時罷佩刀礪石而武官五品以上佩靴鞬七事佩刀刀子礪石契苾真噉厭針筒火石是也元宗開元二年申衣服之禁

按唐書元宗本紀開元二年七月焚錦繡珠玉於前殿戊戌禁采珠玉及為刻鏤器玩珠繩帖綰服者廢織錦坊 按車服志開元初將有事南郊中書令張說請遵古制用大裘乃命有司製二冕元宗以大裘模略不可通寒暑廢而不服自是元正朝會用袞冕通天冠百官朔望朝參外官衙日則佩算袋餘日則否元宗謁五陵初用素服朔望朝額用常服升服翼善冠皆廢

按舊唐書元宗本紀開元二年七月停京官所帶膊巾算袋每朝參日著外官衙日著餘日停

按開府元龜開元二年三月癸卯詔曰章服所施貴賤攸別苟容僭越未為獎勵承前諸軍人多有借緋及魚袋者軍中卑品此甚多無功賞借深非道理宜敕諸軍鎮但是從官借魚袋及無灼然功著軍中權借者並委州軍長官勅到並即收取待立功日據功合得即將已上者委軍將先借後奏其靈武和戎

大武幽州鎮軍赤水河源瀚海安西定遠等軍既臨賊衝事藉懸賞量軍大小各封賞金魚袋五十枚並委軍將臨時行賞七月戊戌詔曰雕文刻鏤衣純履絲習俗相誇殊塗競爽傷風敗俗為弊良久珠玉錦繡既令禁斷准式三品以上飾以玉四品以上飾以金五品以上飾以銀者宜於腰帶及御銕酒杯杓依式自外悉鑄為鋌婦人衣服各隨其夫子其已有錦繡衣服聽染為阜成段者官為市取天下更不得採取珠玉刻鏤器玩造作錦繡珠繩織成帖綰二色綾綺羅作龍鳳禽獸等異文字及堅調錦文者決杖一百受雇工匠降一等科之兩京及諸州舊有官織錦坊悉停

開元三年始令檢校試判官及致仕官皆佩魚 按唐書元宗本紀不載 按車服志開元初駙馬都尉從五品者假紫金魚袋都尉刺史品卑者假緋魚袋五品以上檢校試判官皆佩魚中書令張嘉貞奏致仕者佩魚終身自是百官賞緋紫必兼魚袋謂之章服當時服朱紫佩魚者眾矣 按王壽作開元三年

按唐書元宗本紀不載 按車服志唐初賞朱紫者服於軍中其後軍將亦賞以假緋紫有從戎執轡之服不在軍者服長袍或無官而冒衣緣有詔殿中侍御史糾察 按杜佑通典開元四年二月制軍將在陣賞借緋紫本是從戎執轡之服一得之後遂別造長袍通相倣效又入蕃使別勅借緋紫者使迴合停自今以後衙內宜專定殿中侍御史糾察

開元十一年勅諸衛給袍者易其繡文並定命婦及庶人服色

按唐書元宗本紀不載 按車服志諸衛大將軍中郎以下給袍者皆易其繡文千牛衛以瑞牛左右衛以瑞馬驍衛以虎武衛以鷹威衛以豹領軍衛以白澤金吾衛以辟邪行六品者冠去璫珠五品去盤囊雙佩幘頭用羅縠婦人服從夫子五等以上親及五品以上母妻服紫衣腰褰襪綠用錦繡九品以上母妻服朱衣流外及庶人不服綾羅縠五品綿襪履凡襪色衣不過十二破渾色衣不過六破 按通典作開元二十年開元禮成定冠服之制

按唐書元宗本紀不載 按舊唐書元宗本紀開元二十年九月乙巳中書令蕭嵩奏上開元新禮一百五十卷制所司行用之

按開元禮君臣冕服冠衣制度大裘冕無旒金飾玉簪導以組為纓色如其綬

令云冕長尺六寸廣八寸元表纁裏以下廣狹皆准此

裘以黑羔皮為之

令云元領標襟緣朱裳後有詔夏月以葛代裘

白紗中單

令云卑領青標襪裾

革帶玉鈎鐔大帶

令云素帶朱純其外上以朱下以綠紐約用組蔽蔽膝也隨裳色

鹿盧玉具劍火珠鏤首白玉雙佩元組雙綬六綵朱韞亦鳥祀天神地祇則服之

令云元黃赤白縹綠純元質長二丈四尺五百首廣一尺小雙綬長二尺六寸色同大綬而首半之間施三玉環

衰冕垂白珠十有二旒

令云以組爲纓色如其綬

黻纁充耳玉簪導元衣纁裳十二章

令云八章在衣日月星辰山龍華蟲火宗彝四章在裳藻粉米黼黻衣襟領爲升龍皆織成爲之龍山以下每章一行重以爲等每行十二也

白紗中單

令云黻領青襟襜褕加龍山火三章纁冕已上山火二章纁冕山一章元冕無章

革帶大帶劍玉珮綬韞與上同鳥加金飾饗廟謁廟及朝遣上將征還飲至踐祚加元服納后元日受朝及臨軒冊拜王公則服之

驚冕服七章餘同衰冕有事遠主則服之

令云三章在衣華蟲火宗彝四章在裳藻粉米黼

黻

纁冕服五章餘同驚冕祭海嶽則服之

令云三章在衣宗彝藻粉米二章在裳黼黻也

絺冕服三章餘同纁冕祭社稷先農則服之

令云一章在衣粉米二章在裳黼黻

元冕服餘同絺冕祭百神朝旦夕月則服之

令云衣無章裳刺黼一章

通天冠加金博山附蟬十二首施珠翠黑介幘髮纓翠綉玉若犀簪導絳紗哀白紗中單

令云朱領襪裙

白裙襦

令云亦裙衫也

絳紗蔽膝白假帶方心曲領其革帶劍珮綬與上同白韞黑舄諸祭還冬至受朝元會冬會則服之

令云若未加元服則雙童髻空頂黑介幘雙玉導加寶飾也

武弁金附蟬平巾幘餘同前服講武出征四時蒐狩大射禘類宜社實祖罰社舉嚴則服之弁服十二珙

令云弁以鹿皮爲之珙以白玉珠爲之

玉簪導絳紗衣素裳革帶白玉雙珮鑿龍小綬白襪

烏皮履朔日受朝則服之黑介幘白紗單衣白裙襦

革帶素襪烏皮履拜陵則服之白紗幘白裙襦白襪

烏皮履視朝聽訟及宴見賓客則服之平巾幘金寶飾導簪冠支皆以玉紫綉白袴玉具裝真珠寶鈿帶

靴乘馬則服之翼善冠其裳服及白練裙襦通著之若服袴褶則與平巾幘通著之

皇太子衰冕垂白珠九旒

令云以純爲纓色如其綬

青纁充耳犀簪導元衣纁裳九章

令云五章在衣龍山華蟲火宗彝四章在裳藻粉米黼黻織成爲之每章一行黼重以爲等每行九

白紗中單

令云黼領青襟襜褕

革帶金鈎釵大帶

令云素帶不朱裏亦純以朱綠紐約用絲隨裳色

火山二章

玉具劍

令云金寶飾玉纁首

瑜玉雙珮朱組雙大綬朱襪赤舄侍從祭祀及謁廟加元服納妃則服之

令云四采赤白縹紺純朱質長丈八尺三百三十首廣九寸小雙綬長二尺六寸色同大綬而首半

之間施三玉環鳥加金飾

具服遠遊三梁冠加金附蟬九首施珠翠黑介幘髮纓翠綉犀簪導絳紗哀白紗中單

令云卑領襪裙

白裙襦白假帶方心曲領絳紗蔽膝其革帶劍佩綬與上同白韞黑舄未冠則雙童髻空頂黑介幘雙玉導加寶飾謁廟還宮元日冬至朔日入朝釋奠則服之

其朔望日入朝通服袴褶五日常朝亦准此

公服遠遊冠

簪導已上並同前

絳紗單衣白裙襦革帶瑜玉雙佩方心紛纁囊

令云長六尺四寸廣二寸四分色同大綬

白韞烏皮履五日常朝元日冬至受朝服之 烏紗

帽白裙襦白韞烏皮履視事及宴見賓客則服之

弁服犀簪導組纓玉珙九絳紗衣素裳革鞶囊小綬

雙珮白韞烏皮履朔日及視事則兼服之 平巾幘

金飾犀簪導紫綉白袴玉梁珠寶鈿帶靴乘馬服之

進德冠九珙加金飾其常服及白練裙襦通著之

若服袴褶則與平巾幘通著之 羣官冕垂青珠九旒以組爲纓

令云纓色如綬已下旒纓皆如之也

青纁充耳簪導

令云五品已上乃通用犀

青衣纁裳服九章

令云每章一行重以爲等每行九五章在衣龍山華蟲火宗彝四章在裳藻紛米黼黻皆絳爲繡驚冕以下亦每章一行各依旒數

白紗中單

令云中單黼領朱裏皆純中單青領青襟襜褕

革帶鈎鑲大帶

令云二品已上素帶不朱裏皆純其外上以朱下以綠五品已上素帶紕其垂外以元內以黃紐約皆用青組黼皆紫色纁冕已上火山二章纁冕山一章元冕無章

金玉飾劍

令云三品已下用玉不得加珠寶

山元玉佩緣綬綬

親王朱綬

朱韞赤舄第一品服之驚冕八旒服七章

章數已具前數

水蒼玉珮紫綬金飾劍餘同衰冕第二品服之 纁

冕七旒服五章水蒼玉珮紫綬金飾劍餘同衰冕第

三品服之 纁冕六旒服三章水蒼玉珮青綬金飾

劍餘同衰冕第四品服之 元冕五旒衣無章裳刺

黻一章水蒼玉珮黑綬金飾劍餘同衰冕第五品服

之 爵弁色同爵無旒無章元纁簪導青衣纁裳白

紗中單

令云青領襪襪襪也

革帶鈎鑲大帶

令云練帶紕其垂內外以緇紐約用青組

爵韞韞赤履九品已上服之

凡冕服及爵弁服助祭及親迎則服之若私家祭祀三品已上及襲聖侯祭孔宣父服元冕五品已上服爵弁六品已下服進賢冠凡冕制以羅爲之其服用紬爲之其黻用緇也

遠遊冠三梁黑幘青綾諸王服之親王即加金附蟬

凡文官皆青綾已下准此也

進賢冠三品已上三梁五品已上兩梁九品已上

梁

三師三公太子三師三少五等爵尚書省秘書省

諸寺監太子詹事府三寺及散官親王傳友文學

若諸州縣開津嶽瀆等流內九品以上服之也

武弁平巾幘

武官及中書門下省殿中省內侍諸衛及太子諸坊諸率府及成鎮流內九品以上服之若侍中中書令左右散騎常侍則加貂蟬侍左者左珥侍右者右珥

者右珥

法冠

一名獬豸冠一角爲獬豸之形御史以上服之

高山冠

內侍省內謁者監內謁者服之

却非冠

亭長門僕服之凡應冠而未冠者並雙童髻空頂

幘五品以上雙玉導金飾二品以上加寶飾六品

以上無飾

朝服

亦各具服冠幘纁簪導絳紗單衣白紗中單白裙襦赤裙衫革帶鈎鑲假帶曲領方心絳紗蔽膝韞鳥劍雙綬一品以下五品以上陪祭朝饗拜表大事則服之六品以下去劍佩綬餘並同

公服

亦各從省服冠幘纁簪導絳紗單衣白裙衫革帶鈎鑲假帶方心幘履紛纁囊隻珮一品以下五品以上朔望朝謁見東宮則服之其六品以下去紛纁囊隻珮並同若致仕官以理去官被召謁見皆服前官從省服

弁服

以鹿皮爲之通用烏紗

牙簪導

五品以上通用犀

纁玉珮朱衣素裳革帶盤囊小綬隻珮白韞烏皮履一品九琪二品八琪三品四品六琪五品五琪六品以下去琪及盤囊綬珮

文官職事九品以上尋常公事服之

泥雨則通著常服

平巾幘簪導

五品以上通用犀六品以下通用角

冠支

令云皆金飾五品以上通用玉

紫褶

褶

令云五品以上緋褶七品以上綠褶九品以上碧

褶

並白大口袴起梁帶

三品以上玉梁寶鈿五品以上金梁寶鈿六品以上金飾隱起

烏皮靴武官及衛官尋常公事則服之

文官乘馬人則通服之武官陪位大仗加騰蛇補襜

進德冠五品以上附山雲琪數准弁以金飾梁靴

三品以上加金絡

內外百官文官武官九品以上十月以後二月以前常服及白練裙襦通著之

五品以上行六品以下冠去琪珠若服袴褶非陪位大仗則與平巾幘者通著袴褶五品以上通用綉綾及羅六品以下通用小綾

凡典調武弁絳公服學生黑介幘青襟服齋郎介幘絳襖服外州品子等皆平巾幘緋衫大口袴朝集從事則服之若外官拜表受制皆朝服凡職事官三品以上有公爵者嫡子婚聽假以四品冕服若五品以上子孫九品以上子及五品等爵皆聽弁服若庶人婚聽假以絳公服若刻漏生漏童服青袴褶總角之服

令云諸流外官行署三品以上介幘絳公服方心華帶鈎鐔假帶鞢履九品以上絳襖衣制同絳公服袖狹形直如襦不垂朝去方心假帶餘同公服其非行署者太常寺謁者祝史贊引鴻臚寺司儀諸典書學內侍省典引太子右春坊掌儀內坊導客舍人諸贊王公以下舍人公主謁者等各准行署依品服自外及在雜職掌無官品者皆平巾幘

緋衫大口袴藥童奉輦年小者皆總角髻朝集從事則服之餘條本自有制者不用此例黑介幘簪導深衣青襟標領革帶鞢履未冠者雙童髻空頂

黑介幘去革帶國子太學四門學士俊士參見則服之律書算學士州縣學士則黑介幘白裙襦外官拜表受制皆朝服本品無朝服者則公服諸職

事官三品以上有公爵者嫡子謂經命訖者婚聽假以四品冕服諸五品以上子孫九品以上子及五等爵婚皆聽假以爵弁服庶人婚聽假以絳公服諸州縣倉督市令縣錄事佐史里正獄讀祝史齋郎並介幘絳襖衣平巾幘緋褶大口袴紫襖尚食局典膳局主食太官署監膳史食官署掌膳服之平巾幘幘青布袴褶尚食局主膳典膳局典食太官署食官署供膳良醞署奉解服之五辨青袴褶青耳屬羊車小吏服之總角髻青袴褶漏刻生漏童服之諸衣冠應入鹵簿異於本制者則從鹵簿

皇后服首飾花十二樹

小花如大花之數并兩博簪

褱衣

令云染青織成爲之文爲鞞翟之形素質五色十

二等

素紗中單

令云黼領羅縠標襪皆用朱色

蔽膝

令云隨裳色以緞爲標襪皆用翟爲章三等

大帶

令云隨衣色朱裏紕其外上以朱錦下以綠錦鈕約用青組

青衣革帶青鞢烏

令云烏加金飾

白玉雙珮元組雙大綬受冊助祭朝會諸大事則服之

令云章綵尺寸與乘輿同

鞠衣親蠶則服之

黃羅爲衣其蔽膝大帶及革帶烏並隨衣色餘與

褱衣同唯無翟

鈿釵禮衣十二鈿服通用雜色制與上同加雙珮小綬宴見賓客則服之

去烏加履

皇太子妃服首飾花九樹

小花如大花之數并兩博簪也

褱衣

青織成爲之文綉翟之形青素質九色九等

素紗中單

令云黼領羅縠標襪皆用朱色

蔽膝

隨裳色用緞爲領緣以綉翟爲章二等

大帶

令云隨衣色不朱裏紕其外上以朱錦下以綠錦鈕約用組也

青衣革帶青鞢烏

令云烏加金飾

璪玉雙珮純朱雙大綬受冊助祭朝會諸大事則服

之

章綬尺寸與皇太子同

鞠衣從蠶則服之

黃羅爲之其蔽膝大帶革帶並隨衣色餘與衾衣

同唯無翟

鈿釵禮衣九鈿服通用雜色制與上同加隻珮小綬

宴見賓客則服之

去烏加履

內外命婦服花釵

施兩博鬢寶鈿飾一品九樹二品八樹三品七樹

四品六樹五品五樹寶鈿准花樹

翟衣青質

羅爲之繡爲翟衿衣一品翟九等二品八等三品

七等四品六等五品五等

並素紗中單

令云黼領朱襹襖亦通用羅翟

蔽膝

隨裳色以緞爲領緣加以文繡重翟爲章二等一

品以下同

大帶以青衣革帶青鞵烏珮綬內命婦受冊從蠶朝

會則服之其外命婦及受冊從蠶大朝會亦准此

鈿釵

一品九鈿二品八鈿三品七鈿四品六鈿五品五

鈿

禮衣通用雜色制與上同加隻珮小綬

令云去烏加履

內命婦尋常見外命婦朝參辭見及禮會皆服之

六尚寶林御女采女及女官等服禮衣通用雜色制與上同唯無首飾珮綬七品以上有大事則服之尋常供奉則公服

公服去中單蔽膝大帶也

九品以上大事及尋常供奉並公服東宮准此女史

則半袖裙襦凡公主王妃珮綬同諸郡縣主內命

婦各准品服外命婦各從夫及子若不同夫及子而

加邑號亦准品花釵

覆笄而已并兩博鬢任以金銀雜寶飾也

大袖連裳青質素紗中單

朱襹襖也

蔽膝

隨裳色朱爲緣帶也

大帶

紕其外上以朱下以綠紐約用青組

以青衣革帶青鞵烏履

同裳色也

六品以下九品以上妻及九品以上女嫁則服之

花釵

以金銀琉璃等塗飾

連裳青以青衣革帶青鞵履庶人女嫁則服之凡百

官女嫁聽服母服廟見本生蔭高者准兄弟凡王公

以下及婦人服飾等級上得兼下下不得僭上

開元二十五年定朝參服色非有戰功者不得賞緋

紫

按唐書元宗本紀不載按車服志開元二十五年

御史大夫李適之建議冬至元日大禮朝參官及六

品清官服朱衣六品以下通服袴褶

按開府元龜開元二十五年五月丙子詔曰緋紫之

服班命所崇以賞有功不可踰濫如聞諸軍賞借人

數甚多曾無甄別是何道理自今已後除灼然有戰

功餘不得輒賞十一月丁亥御史大夫李適之奏曰

臣伏以朝服准式皆合備具比來有稱修改式致乖

疎臣望自今已後每當正至及緣大禮應朝官並六

品清官並服朱衣餘六品已下望許通著袴褶朔望

日請依舊文武官朝集使並服袴褶如有慘故准式

不合著朱衣袴褶者其日聽不入朝自餘應合著不

著者請奪一月俸以懲不恪其蕃官望不在此限如

情願著者請聽餘望依今式許之

開元二十六年立皇太子改絳紗衣爲朱明服

按唐書元宗本紀不載按肅宗本紀開元二十六

年立爲皇太子有司行冊禮其儀有中嚴外辦其服

絳紗太子曰此天子禮也乃下公卿議太師蕭嵩左

丞相裴耀卿請改外辦爲外備絳紗衣爲朱明服乃

從之

按杜佑通典開元二十六年肅宗爲皇太子受冊太

常所撰儀注有服絳紗袍之文太子以爲與皇帝所

稱同上表辭不敢當請有以易之上令百官詳議尚

書左丞相裴耀卿太子太師蕭嵩等奏曰謹按衣服

令皇太子具服有遠遊冠三梁加金附蟬九首施朱

翠黑介幘髮纓綬犀簪導絳紗袍白紗中單卑領襪

襪白裙襦方心曲領絳紗蔽膝革帶劍珮綬等謁廟

還宮元日冬至朔日入朝釋奠則服之其絳紗袍則

是冠衣之內一物之數與裙襪劍珮等無別至於貴

賤之差尊卑之異則冠爲首飾名制有殊并珠旒及
裳采章之數多少有別此外不可事事差異亦有上
下通服名制是同禮重則具服禮輕則從省今以至
敬之情有所不敢衣服不可減省謂須臾變名望所
撰儀注不以絳紗袍爲稱但稱爲具服則尊卑有差
謙光成德議奏上手勅改爲朱明服下所可行用焉
天寶 載定京官朝參衣朱袴褶
按唐書元宗本紀不載 按車服志天寶中御史中
丞吉溫建議京官朔望朝參衣朱袴褶五品以上有
珂傘

欽定古今圖書集成經濟彙編禮儀典

第三百二十二卷目錄

冠服部彙考六

唐二肅宗乾元一則 德宗建中一則 貞元
二則 憲宗元和一則 文宗太和三則
後唐明宗長興一則
遼太祖一則 太宗一則 會同一則 大同
一則 聖宗統和一則 開泰一則 太平
興宗重熙二則 道宗清寧三則 大
康一則
宋一總一則 太祖建隆三則 乾德一則 端拱
一則 太平興國三則 雍熙一則 淳化一則 至道一則

禮儀典第三百二十二卷

冠服部彙考六

唐二

肅宗乾元二年勅御史彈事仍服牙冠

按唐書肅宗本紀不載 按舊唐書肅宗本紀乾元

二年四月詔御史臺欲彈事不須進狀仍服牙冠

按唐會要乾元二年四月六日勅御史彈事仍服牙

冠舊制大事則牙冠衣朱衣纁裳白紗中單以彈之

小事則常服而已

德宗建中元年准置朱衣牙冠於內廊

按唐書德宗本紀不載 按舊唐書德宗本紀建中

元年三月庚午監察御史張著以法冠彈中丞嚴郢

削郢官著賜緋魚

按玉海建中元年三月監察御史張著冠牙冠彈京

兆尹兼御史大夫嚴郢於紫宸殿上即位初侍御史

朱放請復舊制置朱衣牙冠於內廊有犯者御史服

以彈又令御史得專彈舉不復白於中丞大夫至是

著首行之賜魚袋自是日垂衣冠於宣政之左廊

貞元七年三月詔定賜衣文采十一月令常參官服

本色綾袍金玉帶

按唐書德宗本紀不載 按車服志德宗嘗賜節度

使時服以鵠銜綬帶謂其行列有序牧人有威儀也

按舊唐書德宗本紀貞元七年三月壬申詔項來賜

衣文采不常非制也朕今思之宜有定制節度使宜

以鵠銜綬帶觀察使宜以鴈銜威儀威儀瑞草也十

一月乙丑令常參官趨朝入闕不得奔走朝會須服

本色綾袍金玉帶

按開府元龜貞元七年十一月令常參官入闕不得

奔走其周已下喪朝會禁慘服俄又命服衣綾袍玉

帶初金吾將軍沈房有弟喪衣慘服入闕帝問宰相

董晉等對曰准式許周以下服縵不合衣淺色帝曰

南班何得有之曰因循而然又問冠冕之制曰古之

服冠冕者動有珮玉之響所以飾步也夫至敬之地

步武有常不趨而奔致僇君前虧敬慎也在朝武士

袍以綾五品以上帶服金玉取其文采畫飾以奉上

也是以禹惡衣服而致美乎黻冕君親一致昔尚書

鄭含香老萊子綵服皆此義也服純縵非制也帝乃

詔各從舊制

貞元十五年罷袴褶之制

按唐書德宗本紀不載 按文獻通考貞元十五年

膳部郎中歸崇敬以百官朔望朝服袴褶非古禮上

疏云按三代典禮兩漢史籍並無袴褶之制亦未詳

所起之由隋代以來始有服者請罷之詔可
按袴褶魏晉以來以為車駕親戎中外戒嚴之服
晉制雖有其說而不言其制然既曰戒嚴服之必

戎服也至隋煬帝時巡遊無度詔百官從行服袴

褶軍旅間不便遂令改服戎衣為紫緋綠青之服

則所謂袴褶者又似是襲衣長裾非鞍馬征行所

便者與戒嚴之說不類唐時以袴褶為朝見之服

開元以來屢勅百官朝參應服袴褶而不服者令

御史糾彈治罪蓋以為六品以下之通服韻書訓

褶為袴又為袷也然袴嘗也袷衣之交領也則不

知所謂袴褶者一物乎二物乎唐與服志羣臣服

條內有緋褶大口袴則似是二物然不知所謂緋

褶者衣乎裳乎當俟精識攷古之士而訂之復考

畢仲衍中書備對冕服條下袴褶注云紫緋綠各

從本服白縵中單白羅方心曲領白綾袴本品官

導駕則騎而從之詳其說所謂紫緋綠即後來之

公服而非祭服朝服也但所謂白縵者今之公服

所無而中單白羅方心曲領後之衣公服者亦未

嘗服之蓋古人盛服必有中單冕弁朝祭之服皆

有之多以白為之而緣以朱繡之屬意公服之初

制亦必有此後來流傳既久浸從簡便而朝服之

裏所衣者非中單乃流俗不經之服如所謂紫袍

皂袴之類是也

憲宗元和十二年定百官佩劍綬之制

按唐書憲宗本紀不載 按車服志元和十二年太

子少師鄭餘慶言百官服朝服者多誤自今唯職事

官五品兼六品以上散官者則有佩劍綬其餘皆省

文宗太和二年命公主勿著短窄衣服
按唐書文宗本紀不載 按舊唐書文宗本紀太和
二年五月命中使於漢陽公主及諸公主第宣旨令

後每遇對日不得廣插釵梳不須著短窄衣服

太和三年九月辛巳勅兩軍諸司內官不得著紗縠綾羅等衣服

按唐書文宗本紀不載

按舊唐書文宗本紀云云太和六年詔定品官及諸婦服制

按唐書文宗本紀不載

按車服志初婦人施纂羅以蔽身末徽中始用帷冒施裙及頸武后時帷冒益盛中宗後乃無復纂羅矣官人從駕皆胡冒乘馬海內倣之至露髻馳騁而帷冒亦廢開元中奴婢服襪衫而士女衣胡服其後安祿山反當時以爲服妖之應文宗卽位以四方車服僭奢下詔準儀制令品秩勳勞爲等級職事官服綠青碧勳官諸司則佩刀礪紛悅諸親朝賀宴會之服一品二品服玉及通犀三品服花犀斑犀衣曳地不過二寸袖不過一尺三寸

婦人裙不過五幅曳地不過三寸襦袖不過一尺五寸袍襖之制三品以上服綾以鵝銜瑞草鴈銜綬帶及雙孔雀四品五品服綾以地黃交枝六品以下服綾小纂無文及隔織獨織度支戶部鹽鐵門官等服細葛布無紋綾未有官者服粗葛布行官服紫粗布中官不衣紗縠綾羅諸司小兒不服大中婦人衣青碧纈平頭小花草履彩帛纓成履而禁高髻險妝去眉開額及吳越高頭草履詔下人多怨者京兆尹杜

悰條易行者爲寬限而事遂不行唯淮南觀察使李德裕令管內婦人衣襖四尺者闊一尺五寸裙曳地四五寸者減三寸

按冊府元龜太和六年六月戊寅右僕射王涯准勅詳度諸司制度條件等禮部式親王及三品以上若

二王後服色用紫飾以玉五品以上服色用朱飾以金七品以上服色用綠飾以銀九品以上服色用青飾以鎗石應服綠及青人謂經職事官成及食祿者其用勳官及簪直諸司依出身品仍各佩刀礪紛悅流外官及庶人服色用黃飾以銅鐵其諸親朝賀宴會服飾各依所准品諸司一品二品許服玉及通犀三品許服花犀及班犀及玉叉服青碧者許通服綠餘請依禮部式諸部曲客女奴婢服通服青碧其命婦客女及婢聽同庶人奴及部曲請許通服黃白阜其命婦准格客女及婢得同庶人其衣服婢及庶人女婦請兼許服夾纈丈夫請通服黃白如屬諸軍使司及屬諸道任依本色目流例其女人不得服黃紫爲裙及銀泥翟書錦繡等餘請依令式其袍襖制度三品已上伏請許服鵝銜瑞草鴈銜綬帶及對孔雀綾袍襖四品五品伏請許服地黃花及交枝六品已上朝參官許服小團纂綾及無文綾隔織紗獨織等充除此色外應有奇文異制袍襖綾等並請禁斷其中書門下省尚書省御史臺及諸司三品官並請勅下後一月日改易應諸官限勅下後兩月日改革餘非常參官並許五月日改革外州府以勅到日起限其衫布制度內外文武常參官及供奉官外州府四品已上官請許通服絲布不得有花紋餘請一切禁斷其花絲布及縠綾除供御外請委所在長史禁毀訖當日聞奏其不合服絲布者請勅下後限一月日內並須改易丈夫袍襖衫等曳地不得長二寸已上衣袖不得廣闊一尺三寸已上婦人制裙不得闊五幅已上裙條曳地不得長三寸襦袖等不得廣

一尺五寸已上

後唐

明宗長興三年定衣服之制

按五代史唐本紀不載

按冊府元龜長興三年正月壬子太常禮院奏衣服制度准貞觀四年八月十四日詔曰冠冕制度已備今文舞常服飾未爲差等於是三品已上服紫四品五品已上服緋六品七品以綠八品九品以青婦人從夫之色仍通服黃至五年七月一日勅七品已上服龜甲雙巨十花綾其色綠九品以上絲布及雜小綾其色青又咸亨五年五月十日勅如聞在外軍人百姓有不依令式遂於袍衫之內著朱紫青綠等色短衫襖子或在閭野公然露服貴賤莫辨有蠹彝倫自今已後衣服上下各依品秩上得通下下不得僭上仍令所司嚴加禁斷又武德四年七月十六日制三品已上服大科細綾及羅其色紫五品已上服小科細綾及羅其色朱六品已上服絲布雜小綾交梭其色黃七品八品九品流外庶人服細綾施布其色黃白者又永徽三年八月十四日詔魚袋之制恩榮所加本緣品命帶魚之法事章要重者臣今詳酌本非朝命不得輒懸魚袋內外臣僚所衣朱紫服飾降於近代不越時宜將健衣裝各立軍號當司從來無例檢詳其經商百姓等則不得著色樣綾羅及紫皂雜色衣服金色帶亦不載短長制度勅旨禮院所奏內外臣僚所衣朱紫服飾不越時宜將健衣裝各立軍號一切仍舊其經商百姓不得著色樣綾羅及紫皂雜色衣服金色帶等宜依

依

依

依

依

依

依

依

依

依

依

依

依

依

依

依

遼

太祖元年卽皇帝位朝服衷甲以備非常

按遼史太祖本紀不載 按儀衛志太祖丙寅歲卽皇帝位朝服衷甲以備非常其後行瑟瑟禮大射柳卽此服

太宗

年始定衣冠之制北班國制南班漢制

按遼史太宗本紀不載 按儀衛志上古之人網罟禽獸食肉衣皮以僂鹿韋掩前後謂之韠然後夏葛冬裘之製興焉周公陳王業七月之詩至於一日於貉三月脩桑八月載績公私之用由是出矣契丹轉居薦草之間去遼古之風猶未遠也太祖仲父述瀾以遙輦氏于越之官占居潢河決壤始置城邑爲樹藝桑麻組織之教有遼王業之隆其亦肇述於此乎

太祖帝北方太宗制中國紫銀之鼠羅綺之篋襴載而至纖麗英彞被土綱木於是定衣冠之制北班國制南班漢制各從其便焉詳國服以著厥始云 祭服遼國以祭山爲大禮服飾尤盛大祀皇帝服金文金冠白綾袍紅帶縣魚三山紅垂飾犀玉刀錯絡縫烏韠小祀皇帝硬帽紅克絲龜文袍皇后戴紅帕服

絡縫紅袍縣犀玉佩雙同心帕絡縫烏韠臣僚命婦服飾各從本部旗幟之色 朝服皇帝服實里薛袞冠絡縫紅袍垂飾犀玉帶錯絡縫韠謂之國服袞冕太宗更以錦袍金帶臣僚戴冠金花爲飾或加珠玉翠毛額後垂金花織成夾帶中貯髮一總或紗冠制如烏紗帽無簷不攝雙耳額前綴金花上結紫帶末綴珠服紫窄袍繫鞬鞬帶以黃紅色條裏革爲之用金玉水晶駝石綴飾謂之盤紫太宗更以錦袍金帶

公服謂之展裘者紫皇帝紫皂幅巾紫窄袍玉束帶或衣紅襖臣僚亦幅巾紫衣 常服宰相中謝儀帝常服高麗使入見儀臣僚便衣謂之盤裏綠花窄袍綠中單多紅綠色貴者披貂裘以紫黑色爲貴青次之又有銀鼠尤潔白賤者貂毛羊鼠沙狐裘 田獵服皇帝幅巾擐甲戎裝以貂鼠或鵝項鴨頭爲扞腰蕃漢諸司使以上並戎裝衣皆左衽黑綠色 弔服太祖叛弟刺哥等降素服受之 會同元年詔賜羣臣年高有爵秩者錦袍金帶著於

按遼史太宗本紀會同元年秋九月壬子詔羣臣及高年凡授大臣爵秩皆賜錦袍金帶著於今 大同元年備法駕受賀於汴京定冠服之制

按遼史太宗本紀不載 按儀衛志漢服黃帝始制冕冠章服後王以祀以祭以享唐收殷周弁以朝冠端以居所以別尊卑辨儀物也厥後唐以冕冠青衣爲祭服通天絳袍爲朝服平巾幘袍襴爲常服太同元年正月朔太宗皇帝入晉備法駕受文武百官賀於汴京崇元殿自是日以爲常是年北歸唐晉文物遼則用之左右采訂摭其常用者存諸篇 祭服終遼之世郊丘不建大裘冕服不書袞冕祭祀宗廟遣上將出征飲至踐阼加元服納后若元日受朝則服之金飾垂白珠十二流以組爲纓色如其纓紱續充耳玉簪導元衣纁裳十二章八章在衣日月星龍華蟲火山宗彝四章在裳藻粉米黼黻衣標領爲升龍織成文各爲六等龍山以下每章一行行十二白紗中單黼領青標襜褕革帶大帶劍佩綬烏加金

飾元日朝會儀皇帝服袞冕 朝服皇帝通天冠諸祭還及冬至朔日受朝臨軒拜王公元會冬會服之冠加金博山附蟬十二首施珠翠黑介幘髮纓翠綵玉若犀簪導絳紗袍白紗中單標領朱襪標白裙襦絳紗蔽膝白假帶方心曲領其革帶佩劍綬鞬烏若未加元服則雙童髻空頂黑介幘雙玉導加寶飾元日上壽儀皇帝服通天冠絳紗袍 皇太子遠遊冠謁廟還宮元日冬至朔日入朝服之三梁冠加金附蟬九首施珠翠黑介幘髮纓翠綵犀簪導絳紗袍白紗中單犀領標襪白裙襦白假帶方心曲領絳紗蔽膝其革帶劍佩綬鞬烏若上同後改用白鞬黑烏未冠則雙童髻空頂黑介幘雙玉導加寶飾開皇太子儀皇太子冠遠遊服絳紗袍 親王遠遊冠陪祭朝享拜表大事服之冠三梁加金附蟬黑介幘青綾導絳紗單衣白紗中單犀領標襪白裙襦革帶鈎鐔假帶曲領方心絳紗蔽膝鞬烏若劍佩綬二品以上同

諸王遠遊冠三梁黑介幘青綾 三品以上進賢冠三梁寶飾五品以上進賢冠二梁金飾六品以上進賢冠一梁無飾七品以上去劍佩綬八品以下同公服 公服勒箭儀間使公服繫履遼國常用公服矣皇帝翼善冠朝視朝用之柘黃袍九環帶白練裙襦六合韠 皇太子遠遊冠五日常朝元日冬至受朝服絳紗單衣白裙襦革帶金鈎鐔假帶方心紛鞬囊白鞬烏皮履 一品以下五品以上冠幘纓簪導謁見東官及餘公事服之絳紗單衣白裙襦帶鈎鐔假帶方心鞬履紛鞬囊六品以下冠幘纓簪導去紛鞬囊餘並同 常服遼國謂之穿執起居禮臣僚穿

執言穿鞞執笏也皇帝栢黃袍衫折上頭巾九環帶六合鞞起自宇文氏唐太宗貞觀已後非元日冬至受朝及大祭祀皆常服而已 皇太子進賢冠九珎金飾絳紗單衣白裙襦白鞞烏皮履 五品以上幘頭亦曰折上巾紫袍牙笏金玉帶文官佩手中算帶刀子礪石金魚袋武官鞞鞞七事佩刀刀于磨石契蕊真噉厥計筒大石袋烏皮六合鞞六品以下幘頭緋衣木笏銀帶銀魚袋佩鞞同八品九品幘頭綠袍鎗石帶鞞同

聖宗統和元年六月乙酉詔有司開皇太后日給三品以上法服三品以下用大射柳之服

按遼史聖宗本紀云云

開泰七年十一月庚辰禁服用明金縷金貼金

按遼史聖宗本紀云云

太平五年二月戊午禁天下服用明金及金線綺國

親當服者奏而後用

按遼史聖宗本紀云云

興宗重熙五年定大禮臣僚並用漢服

按遼史興宗本紀不載 按儀衛志重熙五年尊號冊禮皇帝服龍袞南北臣僚並朝服蓋遼制會同中太后北面臣僚國服皇帝南面臣僚漢服乾亨以後大禮雖北面三品以上亦用漢服重熙以後大禮並用漢服矣常服仍遵會同之制

重熙二十二年詔八房族巾幘

按遼史興宗本紀不載 按儀衛志公服謂之展裹

著紫重熙二十二年詔八房族巾幘

道宗清寧元年詔嚴冠巾及駝尼水獺裘之禁

按遼史道宗本紀重熙二十四年八月即皇帝位改元清寧九月庚申詔非動戚後及夷離董副使承應諸職事人不得冠巾壬戌詔夷離董及副使之族并民奴賤不得服駝尼水獺裘刀柄免鵲鞍勒珮于不許用犀玉骨突犀惟大將軍不禁

清寧四年十二月辛丑弛駝尼水獺裘之禁

按遼史道宗本紀云云

清寧十年十一月甲子定吏民衣服之制

按遼史道宗本紀云云

大康四年十一月丁亥禁士庶服用錦綺日月山龍之文

按遼史道宗本紀云云

宋

宋初君臣冠服之制

按輿服志衰冕之制宋初因五代之舊天子之服有衰冕廣一尺二寸長二尺四寸前後十二流二續並貫真珠又有翠旒十二碧鳳銜之在旒旒外冕版以龍鱗錦表上綴玉爲七星旁施琥珀餅屏餅各二十四周綴金絲網細以真珠雜寶玉加紫雲白鶴錦裏四柱飾以七寶紅綾裏金飾玉簪導紅絲絛組帶亦謂之平天冠衰服青色日月星山龍雉虎七章紅裙藻火粉米黼黻五章紅蔽膝升龍二並織成間以雲朵飾以金鈸花鈿裏裝以真珠琥珀雜寶玉紅羅襦裙繡五章青襪襪六采綬一小綬三結玉環三素大帶朱裏青羅四神帶二繡四神盤結綬帶飾並同衰服白羅中單青羅抹帶紅羅勒帛鹿盧玉具劍玉鏢首鏢白玉雙佩金飾貴真珠金龍鳳革帶紅襪

赤鳥金鈸花四神玉鼻祭天地宗廟朝太清宮雲玉清昭應宮景靈宮受冊尊號元日受朝開皇太子則服之通天冠二十四梁加金博山附蟬十二高廣各一尺青表朱裏首施珠翠黑介幘組纓翠綾玉犀簪導絛紗袍以織成雲龍紅金條紗爲之紅裏皂襪襪絛紗裙蔽膝如袍飾並皂襪襪白紗中單朱領襪襪襪白羅方心曲領白鞞黑烏佩綬如袞大祭祀致齋正旦冬至五月朔大朝會大冊命親耕藉田皆服之衫袍唐因隋制天子常服赤黃淺黃袍衫折上巾九環帶六合鞞宋因之有赭黃淡黃袍衫玉裝紅束帶皂文鞞大宴則服之又有赭黃淡黃襪袍紅衫袍常朝則服之又有窄袍便坐視事則服之皆皂紗折上巾通犀金玉環帶窄袍或御烏紗帽御閱服以金裝甲乘馬大閱則服之 皇太子之服一曰衰冕二曰遠遊冠朱明衣三曰常服衰冕青羅表緋羅紅綾裏塗金銀鈸花飾犀簪導紅絲組前後白珠九旒二續貫水晶珠青羅衣繡山龍雉虎五章紅羅裳繡藻粉米黼黻四章紅羅蔽膝繡山火二章白紗中單青襪襪革帶塗金銀鈸飾青羅襪帶紅羅勒帛大綬結二玉環金塗銀鈸花飾青羅襪帶紅羅勒帛玉具劍金塗銀鈸花玉鏢首白羅襪朱履金塗銀鈸從祀則服之遠遊冠十八梁青羅表金塗銀鈸花飾犀簪導紅絲組爲纓博山政和加附蟬朱明服紅花金條紗衣紅紗裏皂襪襪紅紗裳紅紗蔽膝並紅紗裏白花羅中單皂襪襪白羅方心曲領羅襪黑烏革帶劍佩綬餘同衰服扶帶勒帛執桓圭受冊謁廟朝會則服之常服皂紗折上巾紫公服通犀金玉帶